



KANATAMI INUIT QANURTUURUTAUQUJANGIT
pitjutigillugit kinngurtausimajut amma
inuaqtausimajut Inuit arnait, niviaqsiat amma
angutaujumajut arnaujumalullu amma asingit

SIVULIRTIIT NALUNAIRSITJUTINGIT



ΔεΔε ΣΛηε βα.ΣΓ
INUIT TAPIRIIT KANATAMI



ΚΔβόηε
ΔεΔε Δε.Δε βα.ΣΓ
PAUKTUUTIT
INUIT WOMEN OF CANADA



Sivulirtiit Nalunairsitjutingit

Kingurtausimajut utvalunniit inuartaunikuit Inuit arnait amma niviarsiat imaittuulaurtut inngutaqaulaurtugaluat anaanaulaurtugaluat najagijaulaurtugaluat nukarijaulaurtugaluat panigijaulaurtugaluat anngarijaulaurtugaluat qangiarijaulaurtugaluat illukulugijaulaurtugaluat najatsakuluapigijaulaurtugaluat amma atsagijaulaurtugaluat ajagijaulaurtugaluat. Piqannarijauullutillu ilagijauullutillu iqqanaijaqatigijauullutillu amma nunaqqatigijautsutillu atunit atsurunnartualukkursimaningit attuinniqaarsimallarittut ilunnatinnik. Taakkua amisuuluartummarialuit Inuit arnait amma niviarsiat kingurtausimajut utvaluunniit inuartausimajut nalunagitsiarjutigivauk amisuuluartualuuninginnik angirraminni annirtauvatut amma akaungiliurtitauvakkut Inuit arnait amma niviarsiat angutaujumatutlu arnaujumatutlu amma asingittauq amma tamakkununga qitungarijaujunut. Tammanna annirtiriniq qaujimanartuq pitjutiqammata akaungiliurutaunginnartualuit pitjutiaaluvaktut ikullaumigiaqanninginik.

Inuit arnait niviarsiatlu angutaujumatutlu arnaujumatutlu amma asingit annirtirtauqattaqunagit gavamakkut amma Inuit nuqqatiksisivaalliriaqaraluaqqut ukua ilagiitnit kinguvaangitnutlu annirtuiqattarninginnik tamaigiaqaraluaqqut saangatsilutik iliqqusikammauqattartunik annirtirinimit kajusiumatjutaavaktunik. Kamangitjisuqaaluvaktutuqait naluinangitsialiraluartaillugit kajusiumainnarmata amisuuluit inuuqatiktinni akaungiliurtitauqajutut aturtaunginnarmata amma pinailutaaluukmata ukua Inuit Nunangitni illukitsarnialuk qimaavisaqanginnialuk asingitlu attanangitjumiivisait amma pitaqagiluarsutik kamajutiksait piliritjutsait amma kamajutiksatsiatitillu tamakkua qaujimajaraluvut pittariaqaraluarumata ikajursivaalirunnautiit mamisarnimuungajut amma katingatsialirutiksait ilagiinut.

Kanatalimaami Inuknut Qanurturutauqujaujuni Pitjutigitsugit Kingurtausimajut Inuartausimajutlu Inuit Arnait Niviarsiatlu Angutaujumatutlu Arnaujumatutlu amma Asingit tamanna titirarsimajuni ilagijaujuq 2021mi *Kingurtausimajut amma Inuartausimajut Nunaqaqqaarsimajut Arnait amma Niviarsiat Angutaujumatutlu Arnaujumatutlu amma Asingit titirarsimajut Kanatami Qanurturutauqujaujuni; Aannirtirtauqattaqujunnirsugit Nunaqaqqaarsimajut Arnait Niviarsiallu amma Angutaujumatutlu Arnaujumatutlu amma Asingit*. Tilisigaluartut gavamaajut amma Inuit Nunalirinimut Timiujut amma asingit timiujut tamakkua ilagijaujut Kanatalimaami Inuit qanurtuurtiujunut taakkua tilijaugaluartut qanuq sivumuaktinnasuarisqammangaata tamakkununga 46ngujunik Inuknut Turaangaluartunik Qanurturutauqujaujugaluani tamakkua titirarsimajut ukunani *utirtiksialuarsuniq pijunnautiminnik amma najugaqatsianirmik: Kingullirpaarsuutimik Titiqqaq Kanatalimaami Killisiniartuqalaurtillugu Kingurtausimajut amma Inuartausimajut Nunaqaqqaarsimajut Arnait amma Niviarsiat*. Qanurturutauqujaujut aaqisursimavut 14ngalingatsutik amma nalunaisisimallutik gavamatuqakkunnut aviktursimaurtunutlu gavamaajunut amma Inuknut kanurturutauqujaujunik maliksugit nalliat kamajiuulluatarningit amma pijunnautingit piliriarijunnartanginnut.

Kanatalimaami Inuknut Qanurturutauqujaujut aaqisuktausimajut Inuit Qanurtuurtunginnut. Qanurtuurtiit Katimmajiqalaurtut quliujuunik Iksivautaqarsutik Inuit Tapiriikkuningaartumik amma Pauktuutikunngaartumit Inuit Arnait Kanatami. Kiggartuijiqarsutik Inuvialuit Kuapurisakkunginnik, Nunavut Tunngavikkunnit, Makivik Kuapurisakkunnit amma Nunatsiavut Gavamakkunginnik. Ilagijaulaurmijut kigartuijut nunalingniingartunik ukunangat Ilagiinut amma Kinguvaarijaujunut Katutjijit, Tunngasukvingat Inuit, AnaanauKatiget Tumingit amma Saturviit Inuit Arnait Katutjiqatigiingit Nunavikmi.

Kanatami Inuit Qanurturutauqujangit pitjutigillugit kinngurtausimajut amma inuaqtausimajut Inuit arnait, niviaqsiaq amma angutaujumatut arnaujumatullu amma asingit

Gavamaujut amma Inuit Nunalirinirmut Timiujut sivumuaktiksigiaqqut atilirtitauninganik Kanatalimaami Inuknut Qanurtuurutauqujaujunut atuutiqatiksilutik pijunnautigijaujut killigilugit. Gavamakkunutil qanurtuurutauqujaujut sivumuaktitaugiaqqut Gavamatuqakkunnut, Nunatsiap Gavamakkuninnut, Nunavut Gavamakkunginnut, Quebec Gavamakkunginnut, amma Newfoundland amma Labrador Gavamakkunginnut. Asingittauq aviktursimaurtut Inuknik inuqartut sivumuaktiksigiaqqut kamagijaugialiknik attuaniqartunik Nunaqutiminni inuqartunik.

Inuknut qanurtuurutauqujaujut sivumuaktitaujariaqqut tisamaujunut nunalirinirmut timiujunut ukununga Inuvialuit Kuapurisakkunginnut, Nunavut Tunngavikkunginnut, Makivik Kuapurisakkunnut amma Nunatsiavut Gavamakkunginnut. Sivulirtiksivaaluningit Inuknik pivallirtiksijiit amma piliritjutiuvaktunik timiujut pijunnartiksialaksimavut aqqitsuitillugit Kanatalimaami Inuknut Qanurtuurutauqujaujusimajut Parnatautillugit. Qaujimalluatarningit Pauktuutik Inuit Arnait Kanatami amma Ilagiinut amma Kinguvaarijaujunut Katutjijiit, Tunngasukvingat Inuit, AnaanauKatiget Tumingit amma Saturviit Inuit Arnait Katutjiqatigiingit Nunavikmi qaujimaningit tukisivaallurutauniaqqut amma kajusikkaitjutiuniaqqut atulititaugasuarninganik Kanatalimaami Inuknut Qanurtuurutauqujaujut Parnatautillugit.

Inuit arnait niviarsiatlu angutaujumajutlu arnaujumajutlu amma asingit pijunnatsiarniqattut amma makitamainnarusuarunnarsutillu. Inuqativut piviqartitauntsainnariaqaraluarmikmata Kanatamiulimaanut iliqqusirivaktanginnik Inuit attanartailimatitaulutik, anniartitauttailimalutik, ilinniartaujunarlutik, iqqartuivik-kurtitauntsiarunnarlutillu amma qanuingitsiartitaulutillu timikkut, isumamigut, ajursangillutillu, inuusiqaatsiarlutillu amma iliqqusituqamminnik atusiarlutillu. Ullumili pusiirijauvaktuq atjigingimaringmauk. Kanatalimaami Inuknut Qanurtuurutauqujaujusimajut Parnatausimajut nalunairsitjutauniartut Inuknut akaungiliurutaumariktunik asitjirtaувalliaqullugit aqqitsimallariktukkut amma nammanaarsarsimajukut amma nalunaingitsiarlutillu asitjirutaувalliaqaliit. Inuit arnait niviarsiatlu angutaujumajutlu arnaujumajutlu amma asingit piviqartitauntsiariaqqaqut atjigiilirtitaulattaarlutik. Uvagut piviqartitaullattaariaqartugu.

Rassi Nasalik ikummatsaitillu Yellowknife, Nunatsiarmi Killisiniartuqartillugit Kinnguqtausimajut Inuaqtausimajullu Nunaqaaqaaqsimajut Arnait Niviaqsiallu.



Inuit arnait niviarsiatlu
angutaujumajutlu
arnaujumajutlu amma asingit
annirtirtauqattaqunagit
gavamakkut amma Inuit
nuqqatiksivaalliriaqaraluaqqut
ukua ilagiitnit kinguvaangitnutlu
annirtuiqattarninginnik
tamaigiaqaraluaqqut saangatsilutik
iliqqusikammauqattartunik
annirtirinirmut
kajusiumatjutaувaktunik.

Kanatami Inuit Qanurtuurutauqujangit pitjutigillugit kinngurtausimajut amma inuaqtausimajut Inuit arnait, niviaqsiat amma angutaujumajut arnaujumalullu amma asingit



ΔοΔεϛϛϛϛϛ ϛϛϛϛϛ
INUIT TAPIRIIT KANATAMI

75 Albert Street
Suite 1101
Ottawa, Ontario
Canada K1P 5E7

☎ 613-238-8181
📠 613-234-1991

www.itk.ca



ϛϛϛϛϛ ϛϛϛϛϛ ϛϛϛϛϛ
ΔοΔεϛϛϛϛϛ ϛϛϛϛϛ ϛϛϛϛϛ
PAUKTUUTIT
INUIT WOMEN OF CANADA

1 Nicholas Street
Suite 520
Ottawa, Ontario
Canada K1N 7B7

☎ 613-238-3977
📠 613-238-1787

www.pauktuutit.ca